



**CYNGOR BWRDEISTREF SIROL**  
**RHONDDA CYNON TAF**  
**COUNTY BOROUGH COUNCIL**

**GWŶS I GYFARFOD PWYLLGOR**

C Hanagan

Cyfarwyddwr Gwasanaeth – Gwasanaethau Democrataidd a Chyfathrebu

Cyngor Bwrdeistref Sirol Rhondda Cynon Taf

Y Pafiliynau Parc Hen Lofa'r Cambrian

Cwm Clydach, CF40 2XX

Dolen gyswllt: Julia Nicholls - Gwasanaethau Democrataidd (01443 424098)

**DYMA WŶS I CHI** i gyfarfod rhithwir o **GYNGOR BWRDEISTREF SIROL RHONDDA CYNON TAF** sydd i'w gynnal ar **DYDD MERCHER, 29AIN MEDI, 2021** am **5.00 PM.**

<b>AMSER (Munud)</b>	<b>EITEM</b>	<b>TUDALEN(N AU)</b>
5 Munud	<b>EITEM 1. DATGANIADAU O FUDDIANT</b>  Derbyn datganiadau o fuddiannau personol gan Aelodau yn unol â'r Cod Ymddygiad.  <ol style="list-style-type: none"><li>1. Mae gofyn i Aelodau ddatgan rhif a phwnc yr agenda y mae eu buddiant yn ymwneud ag e a mynegi natur y buddiant personol hwnnw; a</li><li>2. Lle bo Aelodau'n ymneilltuo o'r cyfarfod o ganlyniad i ddatgelu buddiant personol sy'n rhagfarnu, <b>rhaid</b> iddyn nhw roi gwybod i'r Cadeirydd pan fyddan nhw'n gadael.</li></ol>	
10 Munud	<b>EITEM 2. CYHOEDDIADAU</b>	
5 Munud	<b>EITEM 3. COFNODION</b>  Cadarnhau cofnodion cyfarfodydd y Cyngor a gynhaliwyd ar-lein ar y dyddiadau canlynol yn rhai cywir:-  ➤ 30 Mehefin 2021 (cyfarfod 5pm)	7 - 34

➤ 14 Gorffennaf 2021

<b>LLYWODRAETHU AGORED:</b>		
10 Munud	<b>EITEM 4. DATGANIADAU</b>  Yn unol â Rheol 2 o Weithdrefn Llywodraethu Agored Cyfarfodydd y Cyngor, derbyn datganiadau gan Arweinydd y Cyngor a/neu Gynghorwyr sy'n Aelodau Portffolio o'r Cabinet:	
20 Munud	<b>EITEM 5. CWESTIYNAU GAN YR AELODAU</b>  Derbyn cwestiynau'r Aelodau yn unol â Rheol 9.2 o Weithdrefn y Cyngor.  ( <b>Nodwch:</b> Caniateir hyd at 20 munud ar gyfer cwestiynau.)	35 - 42
<b>RHAGLEN WAITH Y CYNGOR – ER GWYBODAETH I AELODAU</b>		
<a href="#">Rhaglen Waith y Cyngor 2021/22– er gwybodaeth i Aelodau</a>		
<b>ADRODDIADAU'R SWYDDOGION</b>		
10 Munud	<b>EITEM 6. DATGANIAD O GYFRIFON RHONDDA CYNON TAF AC ADRODDIAD ARCHWILIO ALLANOL</b>  Derbyn adroddiad Cyfarwyddwr y Gwasanaethau Cyllid a Digidol	43 - 240
25 Munud	<b>EITEM 7. ADRODDIAD CYNNYDD A THROSOLWG - LLINIARU LLIFOGYDD</b>  Derbyn adroddiad Cyfarwyddwr Gwasanaethau'r Rheng Flaen.	241 - 260
25 Munud	<b>EITEM 8. Y CYNLLUN ARIANNOL TYMOR CANOLIG – Y NEWYDDION DIWEDDARAF</b>  Rhoi'r newyddion diweddaraf i'r Aelodau am y Cynllun Ariannol Tymor Canolig ar gyfer 2021/22 – 2024/2025	261 - 268
10 Munud	<b>EITEM 9. BLAENORIAETHAU BUDDSODDI'R CYNGOR</b>  Derbyn adroddiad y Cyfarwyddwr Gwasanaethau Cyllid a Digidol.	269 - 272
10 Munud	<b>EITEM 10. ADOLYGIAD O ETHOLAETHAU SENEDDOL YNG NGHYMRU 2023 - CYNIGION CYCHWYNNOL</b>	273 - 434

	<b>COMISIWN FFINIAU CYMRU</b>	
	Derbyn adroddiad y Cyfarwyddwr y Gwasanaethau Cyfreithiol	
5 Munud	<b>EITEM 11. NEWID AELODAETH PWYLLGORAU</b>  Derbyn adroddiad y Cyfarwyddwr Gwasanaeth – Gwasanaethau Democraataidd a Chyfathrebu.	435 - 438
45 Munud	<p><b>EITEM 12. RHYBUDD O GYNNIG</b></p> <p>A. Trafod Rhybudd o Gynnig sydd wedi'i gyflwyno yn enwau: M. Griffiths, J. Barton, L. M. Adams, D. R. Bevan, H. Boggis, J. Bonetto, S. Bradwick, J. Brencher, A. Calvert, G. Caple, A. Crimmings, A. Davies-Jones, L. De- Vet, J. Edwards, J. Elliott, S. Evans, G. Jones, M. Fidler Jones, M. Forey, A. Fox, E. George, , J. Harries, G. Holmes, G. Hopkins, R. Lewis, W. Lewis, C. Leyshon, A. Morgan, S. Morgans, M. A. Norris, D. Owen-Jones, S. Pickering, S. Powell, S. Rees, A. Roberts, J. Rosser, G. Stacey, M. Tegg, G. Thomas, W. Treeby, R. K. Turner, M. Webber, D. Williams, R. Williams, T. Williams, a R. Yeo</p> <p>Dros y 18 mis diwethaf, mae arwyr ar y rheng flaen ym, mhob rhan o'r sectorau cyhoeddus a phreifat wedi arwain y frwydr yn erbyn COVID-19, gan roi eu hunain mewn perygl a gwneud aberthau personol enfawr i ddiogelu'r GIG, achub bywydau a chadw'r DU i fynd.</p> <p>Mae eu cyfraniadau wedi cael eu cydnabod yn eang, gyda miliynau yn sefyll ar eu stepen drws i ddangos eu gwerthfawrogiad ar wahanol adegau yn ystod y pandemig. Mae Llywodraeth y DU hefyd wedi cyfleu ei werthfawrogiad mewn cyfres o ddyfyniadau gwag am arwyr y rheng flaen.</p> <p>Serch hynny, yn yr Adolygiad Cynhwysfawr o Wariant un flwyddyn yr hydref diwethaf, cyhoeddodd Canghellor y Trysorlys "saib" tâl sector cyhoeddus ar gyfer y flwyddyn ariannol yma, gyda dim ond y rhai sy'n ennill llai na £24,000 a staff y GIG yn cael eu heithrio. Ym mis Mawrth, cafodd Llywodraeth y DU ei feirniadu'n chwyrn ar ôl i gynigion ar gyfer codiad cyflog o 1% ar gyfer y rhai sydd wedi'u heithrio o'r "saib" gael eu cyhoeddi, tra bod modd i'w gynnig gwell o 3%, yn dilyn argymhelliad gan gorff Adolygu Cyflogau'r GIG, arwain at gamau gweithredu diwydiannol.</p> <p>Mae arwyr rheng flaen ym mhob rhan o'r sector cyhoeddus bellach yn wynebu toriad cyflog gwirioneddol arall er gwaethaf eu hymdrechion diflino i sicrhau bod gwasanaethau'n cael eu cynnal a bod ein cymunedau'n cael eu cadw'n ddiogel dros y 18 mis diwethaf. Mae uwch gynrychiolwyr o heddluoedd ledled Cymru a</p>	

Lloegr eisoes wedi mynegi eu siom a'u gwrthwynebiad i godiad cyflog o 0% - sy'n dod ar adeg pan mae swyddogion yr heddlu'n wynebu mwy na 100 o ymosodiadau y dydd (cynnydd o 20% ers y flwyddyn flaenorol). Yn ogystal â hynny, mae'r miloedd o staff a gaiff eu cyflogi gan y Cyngor yma wedi cael cynnig cynnydd cyflog o 1.75%, a bydd angen i'r Cyngor yma ariannu'r cynnydd yn llwyr o'i adnoddau ei hun os caiff ei dderbyn.

Yn ddiweddar, mae Gweinidog Addysg Llywodraeth Cymru, Jeremy Miles AS wedi cadarnhau ei fod yn bwriadu derbyn y codiad cyflog argymelledig o 1.75% i athrawon. Serch hynny, os cytunir arno, mae'n debygol y bydd angen dod o hyd i'r cyllid o'r adnoddau presennol hefyd, gan na dderbyniodd Llywodraeth Cymru unrhyw arian ychwanegol trwy fformiwla Barnett i ddarparu'r dyfarniadau cyflog ledled y sector cyhoeddus yn 2021-22. Llywodraeth y DU oedd yn gyfrifol am y penderfyniad yma, ond unwaith eto mae'n cael effaith uniongyrchol ar Gymru.

Mae'r Cyngor yma felly'n galw ar Arweinydd y Cyngor i ysgrifennu at Ganghellor y Trysorlys a'r Prif Weinidog i amlinellu barn y Cyngor yma bod ein harwyr ar y rheng flaen yn haeddu codiad cyflog gwirioneddol a theg, a bod yn rhaid i Lywodraeth y DU ariannu hyn i osgoi trosglwyddo baich y gost i Lywodraeth Cymru ac Awdurdodau Lleol Cymru.

\*\*\*\*\*

B. Trafod Rhybudd o Gynnig sydd wedi'i gyflwyno yn enwau:  
W. Lewis, S. Evans, L. M. Adams, J. Barton, D. R. Bevan, H. Boggis, J. Bonetto, S. Bradwick, J. Brencher, A. Calvert, G. Caple, A. Crimmings, A. Davies-Jones, L. De-Vet, J. Edwards, J. Elliott, , G. Jones, M. Fidler Jones, M. Forey, A. Fox, E. George, M. Griffiths, J. Harries, G. Holmes, G. Hopkins, R. Lewis, , C. Leyshon, A. Morgan, S. Morgans, M. A. Norris, D. Owen-Jones, S. Pickering, S. Powell, S. Rees, A. Roberts, J. Rosser, G. Stacey, M. Tegg, G. Thomas, W. Treeby, R. K. Turner, M. Webber, D. Williams, R. Williams, T. Williams, a R. Yeo

Mae Cyngor Rhondda Cynon Taf yn parhau i sefyll yn erbyn pob math o hiliaeth a gwahaniaethu ac mae wedi ymrwymo i weithio gyda sefydliadau partner i frwydro yn erbyn credoau a gweithredoedd ffaidd o'r fath.

Un math o hiliaeth a gwahaniaethu sydd wedi cynyddu yn ystod y blynyddoedd diwethaf yw Islamoffobia. Mae'r Comisiwn Cydraddoldeb a Hawliau Dynol (EHRC) wedi tynnu sylw at sut mae 70% o Fwslimiaid wedi profi rhagfarn ar sail crefydd yn ystod y 12 mis diwethaf. Mae Mwslimiaid yn wynebu rhai o'r canlyniadau gwaethaf o ran cyflogaeth, iechyd ac addysg, ac, yn ôl data'r Swyddfa Gartref, cawson nhw eu targedu mewn mwy na hanner yr holl droseddau casineb crefyddol a gofnodwyd (2017-2019).

Yn dilyn dwy flynedd o ymgynghori, ar 27 Tachwedd 2018, cyhoeddodd y Grŵp Hollbleidiol Seneddol ar Fwslimiaid Prydain

adroddiad o'r enw "Islamophobia Defined: the inquiry into a working definition of Islamophobia."

Roedd yr adroddiad hwn yn cynnwys y diffiniad canlynol:

"Islamophobia is rooted in racism and is a type of racism that targets expressions of Muslimness or perceived Muslimness."

Mae modd i enghreifftiau cyfoes o Islamoffobia mewn bywyd cyhoeddus, y cyfryngau, ysgolion, y gweithle, ac mewn sefyllfaoedd crefyddol neu anghrefyddol, gan ystyried y cydestun cyffredinol, gynnwys y canlynol (ond dydyn nhw ddim yn gyfyngedig i hyn):

- Galw am, cynorthwyo, ysgogi neu gyfiawnhau lladd neu niweidio Mwslimiaid yn enw ideoleg hiliol/ffasgaidd, neu farn eithafol ar grefydd.
- Gwneud honiadau celwyddog, dad-ddyneiddiol, gwahaniaethol, neu ystrydebol am Fwslimiaid fel y cyfryw, neu Fwslimiaid fel grŵp ar y cyd, megis rhannu cynllwynion am effaith Mwslimaidd ar wleidyddiaeth, y llywodraeth neu sefydliadau cymdeithasol eraill; y myth bod gan bobl Fwslimaidd duedd unigryw i gyflawni derfysgaeth, a honiadau o 'fygythiad' demograffig a berir gan Fwslimiaid neu o 'feddiant Mwslimaidd', ymhlith pethau eraill.
- Cyhuddo Mwslimiaid fel pobl o fod yn gyfrifol am gamwedd go iawn neu ddychmygol a gyflawnwyd gan berson neu grŵp Mwslimaidd unigol, neu hyd yn oed am weithredoedd a gyflawnwyd gan bobl nad ydynt yn Fwslimiaid.
- Cyhuddo Mwslimiaid fel grŵp, neu wladwriaethau mwyafrif Mwslimaidd, o ddyfeisio neu orliwio Islamoffobia, glanhau ethnig neu hil-laddiad a gyflawnwyd yn erbyn Mwslemiaid.
- Cyhuddo dinasyddion Mwslimaidd o fod yn fwy ffyddlon i'r 'Ummah' (cymuned Fwslimaidd drawswladol) neu i'w mamwlad, neu i flaenoriaethau honedig Mwslimiaid ledled y byd, nag i fuddiannau eu cenhedloedd eu hunain.
- Gwadu hawl i boblogaethau Mwslimaidd i hunanbenderfyniad e.e., trwy honni bod bodolaeth Palestina neu Kashmir annibynnol yn ymdrech derfysgol.
- Bod yn rhagrithiol drwy fynnu bod Mwslimiaid yn ymddwyn mewn ffyrdd na ddisgwylir nac y gofynnir amdanynt gan unrhyw grwpiau eraill mewn cymdeithas, e.e. profion teyrngarwch.
- Defnyddio'r symbolau a'r delweddau sy'n gysylltiedig ag Islamoffobia clasurol (e.e. dweud bod Muhammed yn bedoffeil, honiadau o Fwslimiaid yn lledaenu Islam gan ddefnyddio cleddyf neu'n darostwng grwpiau lleiafrifol o dan eu rheolaeth) i nodweddu Mwslimiaid fel pobl sy'n meinthrin perthnasau amhriodol er mwyn cael rhyw, pobl sy'n gynhenid dreisgar neu bobl sydd ddim yn gallu byw'n heddychlon mewn cymdeithasau cymysg.

	<ul style="list-style-type: none"> <li>• Dal Mwslimiaid yn gyfrifol ar y cyd am weithredoedd unrhyw wladwriaeth fwyafrifol Fwslimaidd, boed yn seciwlar neu'n Islamaidd yn gyfansoddiadol.</li> </ul> <p>Mae'r Cyngor yma'n penderfynu mabwysiadu'r diffiniad uchod yn ffurfiol ac yn addo gwneud ei orau glas i fynd i'r afael ag Islamoffobia, cefnogi trigolion a chymunedau Mwslimaidd sy'n wynebu'r math o wahaniaethu a ddisgrifir yn yr enghreifftiau uchod, a meithrin dealltwriaeth gyffredin o'i achosion a'i ganlyniadau.</p>	
	<p><b>EITEM 13. MATERION BRYG</b></p> <p>Trafod unrhyw faterion sydd, yn ôl doethineb y Cadeirydd, yn faterion bryg yng ngoleuni amgylchiadau arbennig.</p>	

**Cyfarwyddwr Gwasanaeth – Gwasanaethau Democraidd a Chyfathrebu**

**At: Pob Aelod o'r Cyngor**